



## **ORDENANZA Nº 23. ORDENANZA REGULADORA DA TAXA POLA PRESTACIÓN DO SERVIZO DE TRASLADO, TRATAMENTO E ELIMINACIÓN DOS RESIDUOS SÓLIDOS URBÁNS.**

### **Artigo 1º.- Concepto e Feito Impoñible**

De conformidade có preceptuado no artigo 20.4 do RDL 2/2004, de 5 de marzo, polo que se aproba o Texto Refundido da Lei Reguladora das Facendas Locais, e no artigo 4.3 da Lei 10/1998, de 21 de abril, de Residuos, establece a Taxa polo tratamento, transporte e eliminación dos Residuos Sólidos Urbáns xerados polo servizo de Recollida Domiciliaria do lixo. Tal e como establece a Lei 10/1998, de Residuos, enténdese por Residuo Urbano os xerados nos domicilios particulares, comercios, oficinas e servizos, asemade todos aqueles que non teñan a calificación de perigosos e que pola súa natureza ou composición poidan asimilarse ós producidos nos anteriores lugares ou actividades.

### **Artigo 2º.- Suxeitos Pasivos**

1.- Son Suxeitos Pasivos da Taxa, en concepto de contribuíntes, as persoas físicas e xurídicas así como as entidades a que se refire o artigo 33 da Lei Xeral Tributaria que resulten beneficiadas ou afectadas polo servizo.

2.- Terán a condición de substitutos do contribuínte os propietarios dos inmobles afectados, os cales poderán repercutir, no seu caso, as cotas satisfeitas sobre os respectivos beneficiarios.

### **Artigo 3º.- Devengo**

1.- A Taxa devengarase cando se inicie a prestación do servizo prorrateándose por meses naturais, incluíndose ó contribuínte no Padrón correspondente.

2.- Unha vez incluído no padrón correspondente o devengo producirase o un de xaneiro de cada ano, e o período impositivo comprenderá o ano natural, salvo no caso de cese da prestación do servizo, en cuio caso o importe da cota prorratearase por meses naturais.

### **Artigo 4º.- Cota Tributaria**

A contía da Taxa é a que se define no Anexo desta Ordenanza.

### **Artigo 5º.- Normas de Xestión**

1.- A inclusión no correspondente Padrón poderase realizar por calquera das seguintes circunstancias: a instancia do suxeito pasivo, por alta no servizo de Recollida Domiciliaria do lixo, pola obtención de Cédula de Habitabilidade ou calquera outro documento administrativo que confirme a habitabilidade do inmovible suxeito.

2.- Para o caso de transmisións dos inmobles suxeitos a presente Taxa e incorporados no Padrón, deberán ser declaradas polos suxeitos pasivos implicados, no prazo dun mes, dende a data da transmisión, e terán efectos a partir do período impositivo seguinte.

3.- As infraccións o establecido, calificaranse e sancionaranse dacordo có establecido na Lei Xeral Tributaria.

### **Artigo 6º.- Exencións e Bonificacións**

Quedan exentas as persoas en situación económica de extrema necesidade, con fillo ou fillos a cargo; as que vivan soas con ingresos brutos inferiores a 6000 euros/ ano/ familia; as que perciban rendas básicas como a RISGA ou Renda Básica; as que se atopen desempregadas e sen prestación, previo informe individual favorable do departamento de servizos sociais que acredite a situación de necesidade determinante da exención.



### **Disposición Transitoria**

Por tratarse dun servizo que se presta por primeira vez e estar directamente relacionado co servizo de Recollida Domiciliaria do Lixo formárase o primeiro Padrón da Taxa cós datos do último padrón aprobado da Taxa polo Servizo de Recollida Domiciliaria do Lixo e o devengo da mesma producirase no momento do inicio do servizo ou aprobación definitiva da presente ordenanza se esta se producise posteriormente o inicio da prestación do servizo.

### **Disposición final.**

A presente Ordenanza Fiscal entrará en vigor una vez publicada definitivamente segundo o establecido no RDL 2/2004, de 5 de marzo, polo que se aproba o Texto Refundido da Lei Reguladora das Facendas Locais, e permanecerá vixente mestres non se acorde a súa modificación ou derogación expresa.

### **ANEXO**

#### **1.CADRO DE TARIFAS**

a) Vivendas de carácter familiar .....	11,10 €
b) Bares, cafeterías, hoteis, fondas, residencias e semellantes.....	16,80 €
c) Locais comerciais tradicionais.....	16,80 €
d) Supermercados e asimilados.....	37,65 €

<b>Aprobación</b>	Pleno de 24/09/11	BOP nº 227 de 25/11/11
<b>Añadido Art. 6</b>	Pleno de 13/07/13	BOP nº 203 de 22/10/13
<b>Última Modificación das Tarifas</b>	Pleno de 22/09/12	BOP nº 226 de 23/11/12